

欽定四庫全書薈要

集部
毘陵集卷一至

臣
王杰詳校
詳校官助教臣常循

欽定四庫全書薈要

毘陵集

提要

臣等謹案毘陵集二十卷唐獨孤及撰及字至之洛陽人官至司封郎中常州刺史唐書有傳唐自貞觀以後文士皆沿六朝之體經開元天寶詩道大興而文則未能復古及起于永泰大厯間所為文乃力趨朴直盡掃藻飾靡麗之習其後韓柳繼之而唐之古文遂大盛然推其始斲雕為樸則及最有功是集為其門人安定梁肅所編李舟為之序凡詩三卷文十七卷其中如景皇帝配天議郭知運呂諲等諡議皆粹然儒者之言不徒以文格勝也宋元間其集久晦明吳寬始從內閣祕書中抄出于是世乃有傳本又集中馬退山茅亭記一篇乃柳宗元作蓋後人誤入又

欽定四庫全書

毘陵集
提要

本闕載焉乾隆四十一年十月恭校上

總纂官臣紀昀臣陸錫熊臣孫士毅

總校官臣陸費墀

文苑英華載有及賀赦二表代獨孤將軍讓

魏州刺史表為崔使君讓潤州表代于京兆

請停官侍親表唐文粹有招北客文凡六篇

集內並無之按賀赦表所云誅剪大憝清復

闕廷及歸過罪已降出鴻名此並切德宗興

元時事及没于大曆十二年去興元之事甚

遠殆英華誤題招北客文英華又題為岑參

作與文粹彼此錯互亦疑莫能詳今姑依舊

毘陵集原序

傳曰物生而後有象象而後有滋滋而後有數數成而文見矣始自天地終於草木不能無文也而況於人乎且夫日月星辰天之文也丘隴川瀆地之文也羽毛彪炳鳥獸之文也華葉彩錯草木之文也天無文四時不行矣地無文九州不別矣鳥獸草木之無文則混然而無名而人不能用之矣人無文則禮無以辯其數樂無以成其章有國者無以行其刑政立言者無以存其勸

誠文之時用大矣哉在人賢者得其大者禮樂刑政勸誠是也不肖者得其細者或附會小說以立異端或彫斲成言以裨對句或志近物以玩童心或順庸聲以諧俚耳其甚者則矯誣盛德汙蟻風教為蠱為妖為孽噫文之弊有至是者可無痛乎天后時廣漢陳子昂獨泝隲波以趣清源自茲作者稍稍而出先大夫常因講文謂小子曰吾友蘭陵蕭茂挺趙郡李遐叔長樂賈幼幾洎所知河南獨孤至之皆憲章六藝能探古人迷

作之旨賈為玄宗巡蜀分命之詔歷歷如西漢時文若使三賢繼司王言或載史筆則典謨訓誥誓命之書可彷彿於將來矣嗚呼三公皆不處此地而連蹇多故唯獸孤至之常州刺史高年亦促豈天之未欲振斯文耶小子所不能知也已矣常州諱及有遺文三百篇安定梁肅編為上下帙凡二十卷作為後序常州愛士而肅最為所重討論居多故其為文之意肅能言之比葬博陵崔貽孫又為神道碑悉載事行而痛其不登論道之

位崔公剛而好直其詞不黨君子謂之知言者昔班固美漢得人之盛曰文章則司馬遷相如又曰劉向王褒以文章顯是則四君子者有漢之文雄歟而遷無鄉曲之譽虧大雅明哲保身之義相如薄於貞操有滌器受金之累向無威儀遺文以謬而身幾不免衰多為歌頌當時議者以為姪靡不急其他無聞焉大較詞人多陷輕躁否則悞狹迂僻於事故弛其能蹈履中道可為物主者寡矣孰與常州發論措詞皆王霸大畧孝弟之至

達於神明善與人交久而敬之當官正色不畏強禦加以仁惠愛物吏民敬鄉而文又如足乎其餘則二君既言之矣今直錄崔氏之作綴於篇末云爾朝議大夫前守虔州刺史隴西李舟述

欽定四庫全書薈要卷一萬三千七百十六 集部

毘陵集卷一

唐 獨孤及 撰

賦

夢遠遊賦

詩上 二十三首

士辰歲過舊居

夏中酬于逖畢曜問病見贈

欽定四庫全書

毘陵集
卷一

三月三日自京到華陰水亭獨酌寄裴六薛八

海上寄蕭立

酬梁二十宋中所贈兼留別梁少府

東平蓬萊驛夜宴平盧楊判官醉後贈別姚太守

置酒留宴

觀海

雨後公超谷北原眺望寄高拾遺

丙戌正月出洛陽書懷

季冬自嵩山赴洛道中作

代書寄裴六冀劉二穎

客舍月下對酒醉後寄畢曜

庾子歲避地至玉山訓韓司馬所贈

下弋陽江舟中代書寄裴侍御

題思禪寺上方

早發若峴驛望廬山

癸卯歲赴南豐道中聞京師失守寄權士繇韓幼深

欽定四庫全書

毘陵集
卷一

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁留贈

李張皇甫閻權等數公並有送別之作見寄後

因題答

賦

夢遠遊賦

老氏稱吾所以有大患者為吾有身大哉聖人之知微乎夫生者一氣之暫聚耳有天地之和自然之力以運其行止節其天壽非智力之所能扶明矣而舉世矻矻莫不保持形骸謂為已有執迷妄往而不返小者攘禮樂竊忠信以賈譽大者盜天地之權至於忘身道德之哀皆此物也余生於浮而長於妄汨沒當世與羣動俱智不能逃形於名聲之韁鑠脫屣於冠冕之籠檻及其世界顛倒萬物反覆始返照收視以觀身世然後知一生之患假合豈直芻狗土苴熱燄聚沫而已則我之身也與百憂偕長況重險之中乎思欲冲三清出五濁乘凌虛極與造物者為伍莫有由矣嘗中夜夢飛昇太空若有以名跡見誚者覺而自失乃為賦以狀遠遊且旌悟道之晚也其詞曰

仰太素兮觀元精之烟煴孰官司乎物物兮得流形而

為人太皞遺我八卦藏天地於文字黼而黻之為聖為智褒衣之徒相與擊建鼓而揭日月兮奔孝慈而走仁義其弊也古是而今非身賤而名貴駮驛馭還兮道路屯雲而奔波絢煥轆轤兮玉帛鐘鼓之駢羅霍燄兮心懸天地而火馳蒼黃兮得未終也而失已繼之百骸與日月並走五藏與哀樂交戰義和未及弭轡榮枯紛而萬變何生涯之侘傺兮塞吾降此中州馮世道以上下若涉水而無津兮與吹萬同其波流況世緒塊軋兮如棼絲之相摻見辰極之低昂兮知杞人之殷憂顧免呀以蝕月兮天地閉而雲愁鳳凰焚其故巢兮遠舊國以失傳埃壘燼以上薄兮虞羅紛其四周吾始未知夫六合秋隘之若此孰與吾兮遠遊豈無太清之路兮夫何漫漫而過遼望帝鄉之低徊兮微白雲與之偕逝澄予神遙夜與顓氣期乎無垠真境沕穆以傍感精誠薰然而來親歛乘夢以奮飛博至靈以上宿望見碧落天地如掌洞開八門別有萬象亭亭物外乘化直上身世雙

遣獨與道往其往也泛兮若遊魚振鱗而泳清川同兮
若胡雁得順風而緣秋天忽不知誰之身天何為者窅
入空界七耀在下問予津於混茫兮塞倘佯以延佇若
有人兮縹緲指人間以唁予曰鳳兮鳳兮何德之睽天
固枉若以禮義梏若以機事盍支離其德而起乎物累
使逸翮可得而籠樊兮孰云夫吾毛之自異天運地載
剛柔生焉千變萬化如環無端彼興廢與往復同大壑
之波瀾將令歸根明徵其源則吾與若皆幻也又奚睢

盱於其間幻未始有封物未始有壘成則虧進則傷無
汨而和無易而方山立其中央善汝行密汝藏道將自
光吾在大羅之上玄都之所乾坤為家日月為宇嚆吸
元氣太虛之下音戶尚一乃心勿謂道阻遊乎無窮吾顧
見汝奉真告以自省兮五情起其增熱哀攀龍之無階
今思過天之曷月未知去下方幾萬億兮退將返遵吾
歸轍修玉虛以下降濟銀漢以中歇馮東井以俯視識
故國之城闕千門萬戶遙如蟻穴百川綺分五嶽羅列

覓舊山與喬木纔依希而明滅見伊川大道鞠為茂狄
歷陽故人半作魚鼈曩之奔命於市朝者如紛紜飛馳
譁譁嗤嗤蹙蹙躑躑肖翹陸離若蠶虱之聚壞絮蜘蛛
之乘遊絲吾乃今日識羣動之變態兮莞然倚長空而
笑之亦既自得周覽未畢惕焉形開萬象如失羣有儼
以皆作百慮續其來歸乃夙昔之人寰始故時之喧卑
向之俯仰欣感無非妄者然後知吾之生也與妄生邪
氣乘之萬緣合并為憂為患為虧為盈彼君子方碌碌

然自以為覺猶飾妄以賈名安知聖人不以世界為重
狴生死為大夢視變化與品類亦猶神交飛動與遺物
以顧身兮悟生浮而質陋以一氣之倏忽與萬化而紛
糅自視戢然寄形宇宙尚何能濡首於榮辱之境甘心
於哀樂之囿鷓鴣于飛載翩載翻君子至止栖息化元
獨立道樞貽神胚渾萬物轉薄吾真長存止水不波浮
雲無根與時盈虛委質乾坤倚伏相軋吉凶同源物各
自爾予欲無言優哉游哉聊以窮年

詩上 二十三首

壬辰歲過舊居

少年事遠遊出入燕與秦離居歲周天猶作勞歌人負
劍度潁水歸馬自知津緣源到舊廬攬涕尋荒墓隣里
喜相勞壺觴展慙懃酒闌擊筑語及此離會因大夫隨
世波豈料百年身今日負鄙願多慙故山春

夏中訓子述畢耀問病見贈

救物智所昧學仙願未從行藏兩乖角踳蹬風波中薄
官恥降志卧病非養蒙閉閣涉兩旬羈思浩無窮驚鷺
何處來雙舞下碧空離別隔雲雨惠然此相逢把手賀
疾間舉杯欣酒濃新詩見久要清論激深衷高館舒夜
簾開門延微風火雲赫嵯峨日暮千萬峯遙指故山笑
相看撫號鍾聲和由心親事感知氣同出處未易料且
歌緩愁容願君崇明德歲暮如青松

三月三日自京到華陰水亭獨酌寄裴六薛八
祇役匪遑息經時客三秦還家問節候知到上巳辰山

海上寄蕭立

縣何所有高城閉青春和風不吾欺桃杏滿四隣舊友
適遠別誰當接歡忻呼兒命長瓢獨酌相吳醇一酌一
朗詠既酣意亦申言筌雙兩忘霞月祇相新裴子塵表
物薛侯席上珍寄書二傲吏何日同車茵詎肯使空名
終然羈此身他年解桎梏長作海上人

朔風剪塞草寒露日夜結行行到瀛壖歸思生暮節驛
樓見萬里延首望遼碣遠海入大荒平蕪際窮髮舊國

在夢想故人胡且越契闊阻風期荏苒成雨別海西望
京口兩地各天末索居動經秋再笑知曷月日南望中
盡唯見飛鳥滅音塵未易得何由慰飢渴

訓梁二十宋中所贈兼留別梁少府

少讀黃帝書肯不笑機事意猶負深衷未免名跡累厭
貧學干祿欲徇賓王利甘為風波人豈復江海意擔簦
平臺下是日飲羈思逢君道寸心雙喜一交臂緒言未
及竟離念已復至甯陵望南丘雲雨成兩地途殊跡方

間河廣流且駛暮帆望不及覽贈心欲醉愛君如金錫
昆弟皆茂異奕赫連絲衣榮養能錫類君子道未長深
藏青雲器巨鱗有縱時今日不定議唯當加飡飯好我
袖中字別離動經年莫道分首易

東平蓬萊驛夜宴平盧楊判官醉後贈別姚太
守置酒留宴

驛樓漲海壖秋月寒城邊相見自不足況逢主人賢夜
清酒濃人如玉一斗何啻直十千木蘭為樽金為杯江
南急管盧女絃齊童如花解郢曲起舞激楚歌採蓮固
知別多相逢少樂極哀至心嬋娟少留莫辭醉前路方
悠然明日分飛儻相憶祇應遙望西南天

觀海

北登渤澥島迴首秦東門誰尸造物功鑿此天池源
洞吞百谷周流無四垠廓然混茫際望見天地根白日
自中吐扶桑如何捫超遙蓬萊峯想像金臺存秦帝昔
經此登臨冀飛翺揚旌百神會望日羣山奔徐福竟何

成羨門徒空言唯見石橋足千年潮水痕

雨後公超谷北原眺望寄高拾遺

崖口雨足收清光洗高天虹蜺歛殘靄山水含碧鮮遠
空霞破露月輪薄雲片片成魚鱗五陵如薺渭如帶目
極千里闕山春朝來爽氣未易說畫取花峯贈遠人

丙戌歲正月出洛陽書懷

往歲衣褐見受服金馬門擬將忠與貞來酬主人恩天
地暫雷雨洪波生平原窮鱗遂蹭蹬夙昔事空存幸逢
帝出震授鉞清東藩白日忽再中萬方咸駿奔王風從
西來春光滿乾坤蟄蟲競飛動余亦辭籠樊遭遇思自
強寵辱安足言唯將四方志迴首謝故園

季冬自嵩山赴洛道中作

皇運偶中變長蛇食東土天蓋西北傾衆星殞如雨胡
塵動地起千里聞戰鼓死人成為阜流血塗草莽策馬
何紛紛捐軀抗豺虎甘心赴國難誰謂荼葉苦天子初
受命省方造區宇斬鯨安溟波截鰲作天柱三微復正

統五玉歸文祖不圖漢官儀今日忽再覩升高混京邑

佳氣連海浦寶鼎歆景雲明堂舞干羽虎臣關激昂關

御侮腐儒著縫掖何處議鄒魯西上轅轅山丘陵

橫今古和風蒸萬物臘月春靄吐得為太平人窮達不

足數他日遇封禪著書繼三五

代書寄裴六冀劉二穎

昔余馬首東君在海北音入盡屏簿領書相與議巖

穴載來詣佳境每山有車轍長嘯林木動高歌唾壺缺

欽定四庫全書

盟陵集

此辭月未周虜馬嘶絳闕猛虎踞大道九州當中裂聞

君棄孤城猶自握漢節恥栖惡木影忍與故山別脫寫

桂嶺雲罔然若鳥逝聲入唯留潺湲水分付練溪月爾來

大谷梨白花再成雪闕梁限天險歡樂竟兩絕大盜近

削平三川今底寧勾芒布春令屏翳收雷霆伊洛日夜

漲鳴臯蘭杜青騫騫兩黃鵠何處遊青冥疇昔切玉及

應如新發硎及時當樹勲高懸景鍾銘莫拖白雲意徑

往丹丘庭功成儻長揖然後謀滄溟

客舍月下對酒醉後寄畢四曜

鄉路風雪深生事憂患迫天長波瀾廣高舉無六翮獨

立寒夜移幽境思彌積霜月照膽淨銀河入簷白沽酒

聊自勞開樽坐簷隙主人奏絲桐能使高興劇清機暫

無累獻酢更絡繹慷慨葛天歌愔愔廣陵陌既醉萬事

遣耳熱心亦適視身兀如泥瞪目傲今昔故人間城闕

音信兩脈脈別時前盟在寸景莫自擲先是畢贈及詩云洪爐無火傳

日月連若飛忽然卻疑心與白日鬪十無一滿百寓形新

欽定四庫全書

盟陵集

火內甘作天地客與物無親踈斗酒勝竹帛何必用自

苦將貽古賢責

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴人揮

手謝秣陵舉帆指甌閩安知風塵表偶與瓊瑤親共悲

行路難况逢江南春故園忽如夢返復知何辰曠野豺

虎滿深山蘭蕙新枉君灞陵仲迴首徒酸辛

下弋陽江舟中代書寄裴侍御

故鄉隔西日去水連長天前路知幾許但指天南邊愴
恨極浦外隱映青山連東風滿帆來五兩如弓絃遙羨
繡衣客同然馬首先得食武昌魚不顧潯陽田屈指數
別日忽乎成兩年百花已滿眼春草漸碧鮮豈是離居
時奈何于役牽洞庭有深涉曷日期歸旋且作異鄉料
詎知攜手緣離憂未易銷莫道樽酒賢

題思禪寺上方

溪口聞法鼓停橈登翠屏攀雲到金界合掌開禪局鬱
律衆山抱空濛花雨零老僧指香樓云是不死庭眇眇
于越路茫茫春草青遠山噴百谷繚繞馳東溟目極道
何在境照心亦冥駭然諸根空破結如破瓶下視三界
狹但聞五濁腥山中有良藥吾欲隳天形

早發若岷驛望廬山

雨罷山翠鮮冷冷東風好斷崖雲生處是向峯頂道誰
謂峯頂遠跂予可瞻討忘緣祛天機脫屣恨不早抵恐
歲云暮遂與空名老心往跡未并慙媿山上草

癸卯歲赴南豐道中聞京師失守寄權士繇韓
幼深

種田不遇歲榮名不遭時胡塵晦落日西望泣路岐猛
虎嘯北風厲慶皆載馳深泥駕疲牛蹉蹕余何之詰屈
白道轉繚繞清溪隨荒谷嘯山鬼深林啼子規長歎指
故山三奏歸來詞不逢眼中人調苦車倭遲士繇松筠
操幼深瓊樹姿別來平安不何階一申眉白雲失帝鄉
遠水限天涯昂藏雙威鳳曷月還兩枝努力愛華髮盛
年振羽儀但令速難康不負滄洲期莫作新亭泣徒使
夷吾嗤

初晴抱琴登馬退山對酒望遠醉後作

年長心易感況為憂患纏壯圖迫世故行止兩茫然王
旅方代叛虎臣皆被堅魯人著儒服甘就南山田挈榼
上高磴超遙望平川滄江大如綆隱映入遠天荒服何
所有山花雪中燃寒泉得日景吐雷鳴湔湔舉酒勸白
雲唱歌慰頽年微風度竹來韻我號鍾絃一彈一引滿

耳熱知心宣曲終余亦酣起舞山水前人生幾何時大半百憂煎今日羈愁破始知濁酒賢

賈員外處見中書賈舍人巴陵詩集覽之懷舊

代書寄贈

海岸望青瑣雲長天漫漫十年不一展知有闕山難道
逢阮始平立馬問平安取公詠懷詩示我江海瀾
窺武庫森然矛戟寒眼明遺頭風心悅忘朝食大駕今
返正熊羆危鳴鑾公遊鳳凰沼獻可在筆端繫越有長
欽定四庫全書 昆陵集 卷一 五
纓封關祗一九罔然翔寥廓仰望慙羽翰嘉會不我與
相思歲云殫唯當袖佳句持比青琅玕

寒夜溪行舟中作

日沉諸山昏寂歷羣動宿孤舟獨不繫風水夜相逐雲
歸恒星見霜下天地肅月輪大如盤金波入空谷魏闕
萬里道羈念千慮束倦飛思故巢敢望梧與竹沉吟登
樓賦中夜起三復憂來無良方歸候春酒熟

江上代書寄裴使君

何地離念劇江臯風雪時艱難傷遠道老大怯前期疇
昔行藏計祇將力命推能令書信數猶足緩相思

與韓侍御同尋李七舍人不遇題壁留贈

三徑何寂寂主人山上山亭空簷月在水落釣磯閑
院鷄犬靜酒壚苔蘚斑知君少機事當待暮雲還

李張皇甫閻權等數公並有送別之作見寄因

題答

洞庭正波蘋葉哀豈是秦吳遠別時謝君篋中綺端贈

何以報之長相思

欽定四庫全書

昆陵集 卷一

昆陵集卷一

欽定四庫全書薈要卷一萬三千七百十七集部

毘陵集卷二

唐 獨孤及 撰

詩中 三十一首

送陳兼應辟兼寄高適賈至

早發龍沮館舟中寄東海徐司倉鄭司戶

海上懷華中舊遊寄鄭縣劉少府造渭南王少府銓

將還越留別豫章諸公

欽定四庫全書

毘陵集
卷二

雜詩

山中春思

傷春懷歸

九日李蘇州東樓宴

李卿東池夜宴

將赴京答李紆贈別

江寧訓鄭縣劉少府兄贈別作

送虢州王錄事之任

送長孫將軍拜欽州之任

送何員外使湖南

送江陵全少府赴任

送虞秀才擢第歸長沙

送陽翟張主簿之任

送李賓客荆南迎親

訓常邵縣見贈

送游員外赴淮西

欽定四庫全書

毘陵集
卷二

送馬鄭州

蕭文學山池宴集

送別荆南張判官

送義烏韋明府

送相里郎中赴江西

和虞部韋郎中尋楊駙馬不遇

和贈遠

和題藤架

官渡柳歌送李員外承恩往揚州覲省

同岑郎中屯田韋員外花樹歌

和李尚書畫射虎圖歌

詩中 三十一首

送陳兼應辟兼寄高適賈至

結綠處燕石下和不必知所以王佐材未能忘茅茨罷
官梁山外獲稻楚水湄適會傳巖人虛舟濟川時天網
忽搖頓公才難棄遺鳳皇翔千仞今始一鳴岐上馬指

欽定四庫全書

卷二

三

國門舉鞭謝書帷預知大人賦掩却歸來詞天子方在
宥朝廷張四維料君能獻可努力副疇咨舊友滿皇州
高冠飛翠蕤相逢絳闕下應道軒車遲高侯秉戎翰策
馬觀西夷方從幕中事參謀王者師賈生去洛陽焜耀
琳瑯姿芳名動北步逸韻凌南皮肅肅舉鴻毛冷然順
風吹波流有同異由是限別離漢塞隔隴底秦川連鎬
池白雲日夜滿道里安可思夢想浩盈積物華愁變哀
因君附錯刀送遠益淒其四海各橫絕九霄應易期不

知故巢鷺決起棲何枝

早發龍沮館舟中寄東海徐司倉鄭司戶

沙禽相呼曙色分漁浦鳴榔十里聞正當秋風度楚水
况值遠道傷離羣津頭却望後湖岸別處已隔東山雲
停艫目送北歸翼惜無瑤華持寄君

海上懷華中舊遊寄鄭縣劉少府造渭南王少

府奎

涼風臺上三峯月

王任鄭縣日於城角築小臺號涼風
臺每興數公置酒登臨望二華雲月

欽定四庫全書

卷二

四

不夜城邊萬里沙離別莫言關塞遠夢魂長在子真家
將還越留別豫章諸公

客鳥倦飛思舊林徘徊猶戀衆花陰他時相憶雙航葦
莫問吳江深不深

雜詩

百花結成子春物捨我去流年惜不得獨坐空閨暮心
自有所待甘為物華悞未必千金買得一人顧

山中春思

額祭川水大人家春日長獨誼畫不暮搔首慙年芳靡
草知節換含葩向新陽不嫌三逕深為我生池塘亭午
井竈閑雀聲響空倉花落沒屐齒風動羣木香歸路雲
水外天涯杳茫茫獨卷萬里心深入山鳥行芳景勿相
迫春愁未遽忘

傷春懷歸

誰謂鄉可望望在天地涯但有時命同萬里共歲華昨夜
南山雨殷雷折萌芽源桃不余欺先發秦人家寂寂戶
外掩遲遲春日斜源桃默無言秦人獨長嗟不惜中腸
苦但言會合賒思歸吾誰訴笑向南枝花

九月九日李蘇州東樓宴

是菊花開日當君乘興秋風前孟嘉帽月下庾公樓酒
解留征客歌能破別愁醉歸無以贈祇奉萬年訓

李卿東池夜宴

得池字

政成機不擾心愜宴忘疲去燭延高月傾壘就小池舞
盤迴雪動絃奏躍魚隨自是山公興誰令下士知

將赴京答李紆贈別

膠漆常投分荆蠻各倦遊帝鄉今獨往溝水便分流甘
作遠行客深慙不繫舟思君帶將綬豈直日三秋

江寧訓鄭縣劉少府兄贈別作

往年脫縫掖接武仕關西結綬賈章並趨階手板齊仙
山不用買朋酒日相攜抵掌誇潭壑忘情向組珪事遷
時既往年長跡逾睽何為青雲器猶嗟濁水泥役牽方
遠別道在或先迷莫見良田晚遭時亦杖藜

送虢州王錄事之任

謂子文章達當年羽翼高一經俄白首三命尚青袍未
遇須臾器安卑莫告勞盤根儻相值試用發硎刀

送長孫將軍拜歙州之任

臨難敢橫行遭時取盛名五兵常典技四十又專城浪
逐樓舡破風從虎竹生島夷今可料繫頸有長纓

送何員外使湖南

夙昔皆黃綬差池復瑣闌上田無晚熟逸翻果先飛前

路舟休繫故山雲不歸王程儻未復莫遣鯉書稀

送江陵金少府赴任

家司方春選劇縣得英髦固是攀雲漸何嗟趨府勞楚
山迎驛路漢水漲秋濤騫蒼方茲始看君六翮高

送虞秀才擢第歸長沙

充賦名今遂安親事不違甲科文比玉歸路錦為衣海
運同鯤化風帆若鳥飛知君到三選松菊有光輝

送陽翟張主簿之任

舊聞陽翟縣西接鳳高山作吏同山隱知君處劇閑少
年當効用遠道豈辭艱遲子揚名後方期綵服還

送李賓客荆南迎親

宗室劉中壘文場謝客兒當為天北斗曾使海西陲毛
節精誠著銅樓羽翼施還申供帳別言赴倚門期恩渥
霑行李晨昏在路岐君親兩報遂不敢議傷離

訓常郿縣見贈

愛君脩政若脩身鰥寡來歸乳雉馴堂上五弦銷暇月

邑中千室有陽春謂乘鳧寫朝天子却媿猪肝累主人
辭後讀君懷縣作定知三歲字猶新

送游員外赴淮西

多君有奇略投筆佐元戎已佩郎官印兼乘御史駟使
星隨駟騎歸路有秋風莫遣無書札他年懷袖空

送馬鄭州

使君朱兩轡春日整東轅芳草成臯路青京水源兔
修循吏跡以謝主人恩當使仁風動遙聽輿頌誼

蕭文學山池宴集

檀欒千畝綠知是辟疆園遠岫當庭戶諸花覆水源主
人邀盡醉林鳥助狂言莫問愁多少今皆付酒樽

送別荆南張判官

輜車駟馬往從誰夢浦蘭臺日更遲欲識桃花最多處
前程問取武陵兒

送義烏韋明府

妙年能致身陳力復安親不憚關山遠寧辭簿領勤過

江雲滿路到縣海為隣每歎違心賞吳門正早春

送相里郎中赴江西

君把一尺詔南游濟滄浪受恩忘險艱不道岐路長戎
狄方構患休牛殊未遑三秦千倉空戰卒如餓狼委輸
員外府諷謀寄賢良有才當陳力安得遂翱翔豈不慎
井賦賦均人亦康遙知軒車到萬室安耕桑火伏金氣
騰旻天欲蒼茫寒蟬慘巴鄧秋色愁沅湘昨日攜手西
於今芸再黃歡娛詎幾許復向天一方躋躅話世故惆
悵舉離觴共求數刻歡戲謔君此堂今日把手笑少時
各他鄉身名同風波聚散未易量曷月還朝天及時開
智囊前期儻猶闊加飯勉自強

和虞部韋郎中尋楊駙馬不遇

金屋瓊臺蕭史家暮春三月渭川花到君仙洞不相見
謂已吹簫乘早霞

和贈遠

憶得去年春風至中庭桃李暎瑣窻美人挾瑟對芳樹

欽定四庫全書

昆陵集
卷二

九

玉顏亭亭與花雙今年新花如舊時去年美人不在茲
借問離居恨深淺抵應獨有庭花知

和題藤架

萼萼葉成幄璫璫花落架花前離心苦愁至無日夜人
去藤花千里強藤花無主為誰芳相思歷亂何由盡春
日迢迢如線長

官渡柳歌送李員外承恩往揚州覲省

君不見官渡河兩岸三月楊柳枝千條萬條色一一勝
綠絲花作鉛粉絮葉成翠羽帳此時送遠人悵望春水上
遠客折楊柳依依兩含情夾郎木蘭舟送郎千里行郎
把紫泥書東征覲庭闈脫却貂襜褕新着五彩衣雙鳳并

兩翅將鷁東南飛五兩得便風幾日到揚州莫貪揚州
好客行剩淹留郎到官渡頭春闌已應久殷懃道遠別
為謝大堤柳攀條儻相憶五里一迴首明年柳枝黃問
郎還家否

同岑郎中屯田韋員外花樹歌

欽定四庫全書

昆陵集
卷二

十

東風動地吹花發渭城桃李千樹雪芳菲可愛不可留
武陵歸客心欲絕金華省郎惜佳辰祇將棣萼照青春
君家自是成蹊處况有庭花作主人

和李尚書畫射虎圖歌

飢虎呀呀立當路萬夫震恐百獸怒彤弓金鏃當者誰
鳴鞭飛控流星馳居然畫中見真態若務除惡不顧私
時和年豐五兵已白額未誅壯士恥分銖遠邇懸轂中
不中不發思全功捨矢如破石可裂應絃盡敵山為空
殺氣滿堂觀者駭颯若崖谷生長風精微入神在毫末
作績造物何同功方叔秉鉞受命新丹青起予氣益振
底綏靜難功可擬嗟嘆不足聲成文他時代天育萬物
亦以此道安斯民

欽定四庫全書

卷二

十一

毘陵集卷二

欽定四庫全書會要卷一萬三千七百十八

集部

毘陵集卷三

唐 獨孤及 撰

詩下 二十八首

代書寄上李廣州

自東都還濠州奉訓王八諫議

訓皇甫侍御望瀟山見示之作

垂花塢醉後戲題

欽定四庫全書

卷三

一

登山谷寺上方答皇甫侍御卧疾闕陪車騎之

後

詣開悟禪師問心法次第寄韓郎中

喜辱韓十四郎中書兼封近詩見示因代書題

贈

同皇甫侍御齋中春望見示

答李滁州題庭前石竹花見寄之作

暮春於山谷寺上方遇恩命到加官賜服訓皇